

PROCES ODABIRA OFICIRA, FAZA 2

INFORMACIJE ZA KANDIDATE

Kandidati koji u procesu odabira oficira, poslije uspješno okončane faze 1 prođu u fazu 2 procesa odabira koji će se vršiti u Komandi za obuku i doktrinu (u daljem tekstu KOiD) u Travniku, prije dolaska ili po samom dolasku u KOiD, upoznat će se sa ovim informacijama. Nakon što ih pročitaju kandidati će potpisati izjavu na posljednjoj stranici ovog dokumenta kojom izjavljuju:

- Da su spremni i u zdravstvenoj kondiciji da pristupe testiranjima u fazi 2 koja će biti i fizički i psihički vrlo zahtjevna.
- Da se slažu ili ne slažu sa tim da snimljeni kadrovi sa njihovim likom (slikom i glasom) budu korišteni u budućim medijskim kampanjama, koje će pokrivati buduće procese odabira.

INSTRUKCIJE KANDIDATIMA

- **Dolazak i odlazak** - Kandidati treba da se jave na glavnu kapiju KOiD-a u Travniku između 13,00 i 17,00 sati **u nedelju, 01. decembra 2013.** Završetak testiranja, koji je istovremeno predviđen i kao vrijeme napuštanja kasarne, planiran je oko **13,00 sati u petak, 06. decembra 2013. godine.**
- **Raspodjela u timove** - Po dolasku u KOiD kandidati će biti raspodijeljeni u timove i dodijeliti će im se kombinezoni, kacige, prsluci sa brojem i bedževi sa bojom i brojem. Od kandidata se očekuje da nose prsluk ili bedž u svako doba sve dok borave u kasarni.



- **Pravo kandidata da napusti**- ako u bilo kom stadiju faze 2 procesa odabira neki od kandidata poželi da napusti testiranje u ovoj fazi, to mu je dozvoljeno. Ipak, prije nego što napusti, dužan je obavijestiti svog vođu tima i člana Komisije za odabir kojima treba objasniti razloge njegove odluke. Kandidatima koji sami napuste proces odabira neće biti dozvoljeno da se vrate.

- **Odjeća i oprema** – Kandidatima će biti dodijeljeni kombinezoni i kacige koje će



morati biti nošeni na nekim aktivnostima. Sportska oprema i sportske patike sa odgovarajućim donom su ključne za testiranje fizičke spremne. Sportske patike, jaka obuća ili čizme biti će prikladni za ostale aktivnosti. S obzirom da će kandidati provesti većinu sedmice vani, u potencijalno mokrim i blatnjavim uslovima, neophodno je ponijeti toplu i

nepropusnu odjeću, kao i rezervnu kapu, rukavice, peškir, toalete, rezervni veš i rezervnu presvlaku.

- **Dokumentacija** - Kandidati sa sobom trebaju ponijeti identifikacijske dokumente. Tokom trajanja faze 2, dokumenti će biti pohranjeni na sigurnu lokaciju kod administrativnog osoblja.
- **Novac** – Kandidati trebaju sa sobom ponijeti dovoljno novca da pokriju dodatne manje životne troškove (svi obroci će biti obezbjeđeni) kao i troškove povratka kući.
- **Disciplina i pravila ponašanja** – Od kandidata se očekuje da se ponašaju disciplinovano i kulturno za sve vrijeme boravka. Bilo koji oblik nediscipline i lošeg ponašanja (pijanstvo, psovke, nepoštivanje starijeg i pretpostavljenog i sl.) neće biti tolerisan i kandidati koji se budu tako ponašali biće odstranjeni sa daljeg procesa odabira.
- **Zdravlje i sigurnost**
 - Zbog prirode aktivnosti procesa odabira, kandidati će biti izloženi određenom broju manjih opasnosti, posebice za vrijeme komandnih zadataka, na poligon sa preprekama i finalnoj timskoj utrci. Kombinezon i kaciga trebaju se nositi tokom angažovanja na ovim aktivnostima. Detaljan sigurnosni briefing biti će izložen na licu mjesta, prije svake aktivnosti.
 - Kandidati ne smiju nositi nakit ili sat tokom testiranja fizičkih sposobnosti.
 - Od kandidata se očekuje da se ponašaju disciplinovano tokom trajanja faze 2 odabira, da poštuju pravila svih sigurnosnih instrukcija i da se ponašaju odgovorno kada su angažovani na fizičkim zadacima.
- **Anonimnost** – Za vrijeme boravka u KOiD-u, kandidati će biti poznati i oslovljavani samo kao boja i broj koji nose. Ovakva anonimnost osigurava da instruktori kao i članovi Komisije za odabir nisu ni na koji način pod uticajem poznavajući njihova imena, porijeklo ili nacionalnu pripadnost. Od kandidata se očekuje da se ponašaju u skladu sa principima anonimnosti i da se, kada god su pod pratnjom instruktora ili članova Komisije za odabir, obraćaju svojim kolegama kandidatima po boji/broju a ne po imenu (u slučaju da ga znaju).
- **Osiguravanje ličnih stvari** – Vođe timova će kandidatima ponuditi jedan ormarić koji će služiti za odlaganje njihovih stvari. Kandidatima se preporučuje da budu



pažljivi sa osiguranjem svojih stvari i da prijave bilo koju vrstu sumnjivog ponašanja instruktorima ili administrativnom osoblju. Vaše vođe timova će Vas obavijestiti na koji način gdje možete odložiti vrijedne stvari.

- **Mobilni telefoni i druga oprema sa kamerom-** Ne dozvoljava se kandidatima da koriste telefon, kameru, IPod (ili sličnu opremu) u bilo kom trenutku procesa odabira. Ako se za vrijeme testiranja kod kandidata za vrijeme testiranja pronađu takvi predmeti, biti će isključeni iz faze 2 procesa odabira.
- **Radno vrijeme** – Kandidati će biti maksimalno angažovani u procesu odabira, dnevno u periodu od 08:00 – 16:00 sati a po potrebi i do 18:00 sati (u petak do 13:00 sati).
- **Pravila napuštanja kasarne** – Od kandidata se očekuje da ostanu u kasarni sve vrijeme (svih pet dana). Da bi napustili kasarnu kandidati moraju imati posebno odobrenje od strane vođe tima. Kandidati koji napuste kasarnu bez dozvole rizikuju da budu odstranjeni iz procesa odabira.

Opis testova i ocjenjivanja

Tokom 2. faze kandidati će proći devet različitih vrsta testiranja i procjena. Ovi testovi i karakteristike koje pritom instruktori traže, kratko su opisani u daljem tekstu. Ocjene su u rangu od nula (0) – najniža, do devet (9) – najviša ocjena i one vrednuju sposobnost, kvalitete i vrijednosti kandidata tokom date aktivnosti. Završne ocjene kandidata u fazi 2 i informacije iz faze 3 (zdravstveni pregledi i sigurnosne provjere) poslužit će Komisiji za izbor oficira da odabere najbolje kandidate i predloži Ministru odbrane BiH da isti budu upućeni na oficirsku obuku u januaru 2014. godine.

- **Test fizičke spremnosti** – U ponedjeljak ujutro kandidat će raditi MSFT (*Multi-Stage Fitness Test* - ovaj test je također poznat kao Beep/bip test) te sklekove i trbušnjake.



Ovo je prvi i jedini eliminatorni test u fazi 2.

Minimalna prolazna ocjena je definisana propisima Ministarstva odbrane Bosne i Hercegovine koji uređuju proces prijema u vojnu službu u Oružane snage Bosne i Hercegovine. Ukoliko kandidati ne postignu traženi minimum

bit će intervjuisani od strane jednog od članova komisije i od njih će se zahtijevati da ponove test ili napuste testiranje. Savjetujemo kandidatima da ne prestanu kada pređu

traženi minimum, nego da nastave sve dok fizički mogu podnijeti. U skladu sa time će se bodovi i dodijeliti.

- **Psihometrijsko testiranje.** Kandidati će pristupiti on-line psihometrijskom testiranju koje će ocijeniti njihovu perceptivnu brzinu i tačnost, prostornu orijentaciju, numeričko i apstraktno rezonovanje.



- **Komandni zadaci bez vođe** – Kandidati će proći niz fizičkih zadataka koji su dizajnirani da testiraju individualne sposobnosti u rješavanju praktičnih problema, sposobnosti rada u timu i demonstraciju potencijala da preuzmu vođstvo u izazovnim situacijama. Savjetujemo kandidatima da se maksimalno angažuju u ovim aktivnostima i da ne stoje po strani; instruktori ne mogu dati visoke bodove kandidatima koji se ne angažuju u zadatku ili u radu sa timom. Tipičan ovakav zadatak mogao bi uključivati prelazak grupe preko definiranog prostora bez dodirivanja tla a koristeći ljestve, konopce, grede ili daske. Također je čest zadatak da kandidati moraju prenijeti neku vrstu tereta– težak ili nezgodan predmet koji se mora tretirati sa oprezom.



- **Vježbe planiranja** – Kandidati će imati teorijsku vježbu planiranja u učionicama. Dat će im se zadatak planiranja koji moraju da kompletiraju. Mora se pročitati kompleksan scenarij koji iziskuje logično i inteligentno korištenje raspoloživih ljudi, vremena i resursa. Uspješni kandidati će razviti pisani plan koji ispunjava tražene kriterije - od kandidata se očekuje da naprave i verbalnu prezentaciju svoga plana.

Ocjene će se davati za razvijanje i prezentovanje izvodivog plana te odbrane svog odabranog plana djelovanja a na pitanje instruktora i ostalih kolega kandidata.

- **Grupna diskusija** – Kandidati će učestvovati u grupnoj diskusiji. Biti će pozvani da diskutuju o nekim moralnim i popularnim temama. Temeljito znanje trenutnih dešavanja može dosta pomoći. Ovaj test služi u ocjenjivanju opšteg znanja ali što je još značajnije, u pokazivanju kako kandidati uspostavljaju interakciju u grupi. Savjetujemo kandidatima da iskažu svoje stavove samouvjereno, da budu pripremljeni da argumentovano prezentuju svoj stav ali i da dozvole svim ostalim kandidatima da urade isto.
- **Esej** – Kandidati će pisati kratki esej kako bi se procijenila njihova sposobnost pisanja i nivo opšte pismenosti.




- **Poligon sa pojedinačnim preprekama** – Od kandidati će se tražiti da pređu poligon individualnih prepreka sa ciljem prelaska što većeg broja prepreka u što kraćem vremenskom roku. Ovo je test agilnosti, spretnosti i odlučnosti. Kandidati moraju preći prepreke po zadatom redoslijedu. Kazneni bodovi će se davati za zaobilaženje ili neizvršenje prepreka.



- **Prezentacija** – Kandidati će održati neformalnu petominutnu prezentaciju pred svojom grupom o unaprijed određenoj temi. Svakome će se dati različita tema a svaki kandidat će imati i 5 minuta da pripremi svoju prezentaciju. Ovaj test dizajniran je da procijeni samopouzdanje i moć izražavanja.
- **Komandni zadaci** – Kandidati će proći još jedno testiranje na komandnim zadacima, ali ovaj put će morati komandovati grupom. Cilj ove vježbe jeste da se kompletira specifičan praktični zadatak u vremenskom roku. Vođa grupe će kandidatima dati par minuta da osmisle svoj plan. Zatim kandidati moraju objasniti svoj plan ostatku svoje grupe prije nego što ga zajedno provedu u akciju.



- **Timska utrka** – Posljednje jutro kandidati će imati finalnu timsku utrku – vanjski zadatak bez vođe u takmičenju protiv ostalih timova. Iako je ovo timska utrka, to će biti posljednja prilika za kandidate da demonstriraju svoje liderske kvalitete. Utrka je teška ali ujedno i posljednja prilika kandidatima da pokažu Komisiji svoje sposobnosti.



Savjet kandidatima: Faza 2 odabira oficira bit će mentalno i fizički zahtjevna i morate se spremati za takve uslove. Komandovati vojnicima je ozbiljan posao koji zahtjeva samo najposposobnije i najposvećenije vođe. Zbog toga je novi proces odabira dizajniran tako da testira sposobnosti vođstva, posvećenosti i motivacije, karaktera i odlučnosti. Neće biti lako ali će sami proces biti fer, transparentan i oslobođen pristrasnosti po bilo kom osnovu. Neovisno o rezultatima postignutim na ovoj selekciji, trebate otići ponosni na to što ste postigli i što ste uopšte probali ovako nešto.

Na kraju navodimo i nekoliko dodatnih korisnih savjeta

- **Budite pozitivni**, nemojte biti stidni, nemojte se ustručavati i dajte sve od sebe da pokažete osoblju ocjenjivača svoje sposobnosti. Njihove ocjene će biti bazirane na dokazima koje im vi ponudite o vama, ne mogu biti bazirane na osnovu pretpostavki ili predosjećaja.



- **Budite to što jeste.** Instruktori će biti u stanju da identificiraju vaše prave sposobnosti; nemojte se pretvarati da ste ono što niste.

- **Poštujte ostale kolegice i kolege kandidate.** Nemojte pokušavati da se okoristite o slabosti drugih; nemojte sputavati, maltretirati ili podcjenjivati druge –

ovo će imati negativnog uticaja na procjenu vašeg karaktera i liderskih sposobnosti.

- **Budite prirodni, vrijedni i inteligentni**
- **Uživajte u procesu!** Prošli ili ne, naučiti ćete puno toga o sebi tokom ovih pet dana.



IZJAVA KANDIDATA Boja i broj: _____

INFORMACIJA ZA KANDIDATE ,U PROCESU ODABIRA OFICIRA- FAZA 2

Kao početni dio faze 2 procesa odabira u Komandi za obuku i doktrinu upoznati ste sa datim instrukcijama, opisima testova i ocjenjivanja i savjetima.

FIZIČKA SPREMNOST ZA PRISTUPANJE TESTIRANJU FAZE 2

Kao dio vojnog odabira, od kandidata se očekuje da rade zahtjevne fizičke vježbe. Očekuje se da trče MSFT (bip test), koji uključuje trčanje naprijed i nazad na dužini od 20 metara pokrivajući ukupnu kilometražu od minimalno 2.8 kilometara. Test počinje vrlo sporo ali se tempo ubrzava nakon svakog nivoa. Minimalna prolazna ocjena je definisana propisima Ministarstva odbrane Bosne i Hercegovine koji uređuju proces prijema u vojnu službu u Oružane snage Bosne i Hercegovine. Od kandidata će se također zahtijevati da prelaze prepreke na poligonu što brže mogu, kao i nekoliko liderskih zadataka koji će zahtijevati određeni nivo fizičke spremnosti, agilnosti i prilagodljivosti. Većina aktivnosti će biti organizovana vani tako da se od kandidata očekuje da se nose i sa sezonskim vremenskim uslovima. U interesu njihovog sopstvenog zdravlja i sigurnosti, kandidati ne bi trebali učestvovati u ovim aktivnostima ukoliko imaju bilo kakvo zdravstveno stanje koje bi se ovom prilikom moglo pogoršati ili dovesti do povrede ili oboljenja.

INTERAKCIJA SA MEDIJIMA

Predstavnici medija će biti pozvani da izvještavaju o nekim od aktivnosti tokom procesa odabira. Pored toga, privatna produkcijska kuća je unajmljena da sve vrijeme selekcije snima te napravi seriju promotivnih i edukativnih spotova o novom procesu odabira. Cilj ove izloženosti medijima je da se poboljša transparentnost i pravednost cijelog procesa. Kandidati trebaju naglasiti u izjavi (dole) da li se slažu ili ne da se snimci koji ih obuhvataju (uključujući sliku i glas) mogu u budućnosti emitovati (od strane Ministarstva odbrane BiH) na medijskim servisima. Ako kandidati odluče da ne budu dio tog procesa, učiniti će se maksimalan napor da se njihovo lice ne pojavi u novinama, časopisima ili na televiziji i promotivnom spotu.

IZJAVA

1. Upoznat sam sa svim datim instrukcijama, opisima testova i savjetima vezanim za proces odabira oficira faze 2.

2. Izjavljujem da nemam nikakvo zdravstveno stanje koje bi moglo narušiti moje zdravlje i sigurnost tokom učešća u zahtjevnim fizičkim aktivnostima faze 2.

3. Upoznat sam sa činjenicom da se, u funkciji medijske promocije ovog projekta, snima tokom cijele faze 2. Slažem se/ Ne slažem se (zaokružite jedno) da snimci koji mene obuhvataju budu aktivno korišteni u medijske promotivne svrhe ovog procesa odabira.

Potpis: _____ Datum: _____ Boja i broj: _____